

1312, maio, 4  
*foro*

*O cabido afóralle a dúas voces a Domingo Pérez, dito Bo, unha herdade e unha leira en Piñor, coa condición de plantar viña en catro anos e árbores, por dous puzais de viño os catro primeiros anos e logo dous moios.*

ACOu, *Escrituras* IV, 10

Noverint universi quod Gundisalvus Nuni decanus et capitulum auriense dant et concedunt ad forum vobis D omenico Petri dicto Boo moratori in Pinnol et duabus vocibus post mortem vestram, videlicet filio et nepoti, illam hereditatem quam thesaurarius quondam Johanes Petri de Pinnol a capitulo tenuit arrendatam in vita vestra, videlicet hereditatem de Peyçales subtus viam que tendit ad Mugares et unam leyram in Sancta Tecla. Dant vobis dictam hereditatem ut habeatis et possideatis eam vos et dicte voces in tota vita vestra, et plantetis de vinea quicquid in dicta hereditate aptum fuerit ad plantandum usque ad quatuor annos proximo veniuros ab era istius carte in antea. Et plantabitis arborea in illis locis qui non fuerint apti ad vineam secundum quod iusum fuerit duobus de capitulo. Et excolatis bene vineas ita quod non deficiant per culturam et propaginetis et plantetis quicquid ibi de vinea aptum fuerit ad plantandum in termino supradicto. Et detis inde annuatim in salvo dicto capitulo in primis quatuor annis proximo veniuris duo puçalia vini in torculari et postea dabitur annuatim duos modios vini prefato capitulo in salvo in torculari non obstante grandine vel gelu seu qualibet alia temporis tempestate. Et si per impotentiam vel negligentiam cultura dicte hereditatis omissa fuerit vel aliqua ex hiis que superior sunt comprehensa non fuerint observata, licitum sit capitulo supradicto dictam hereditatem autoritate propria monitione prehabita prout ipsam invenerit, recipere et habere sine contradictione aliqua. Et ad mortem vestram et dictarum personarum si dicta hereditas non fuerit reparata et culta bene, reparatur per bona vestra. Et si contentio super aliquo inter vos et capitulum orta fuerit, per duos de capitulo terminetur omni appellatione cessante. Et ad hoc sit complendum predictus Domenicus Petri per se et successoribus suis obligat se et omnia bona sua tam habita quam habenda. Et insuper dat fideiussorem presentem et consentientem et omnia bona sua ad hanc fideiussionem obligantem Dominicum Petri moratorem in Cerdedo. Et si forte dictus Domenicus Petri decesserit detis alium fideiussorem sufficientem loco eius, qui teneatur ad omnia supradicta. Et sic semper in dicto termino obseruetur. Et capitulum cum dicta hereditate debet vos deffendere ad directum. Actum fuit hoc Aurie iiii<sup>a</sup> die mensis madii, era m<sup>a</sup> ccc<sup>a</sup> l<sup>a</sup>. Presentibus Roderico Guterrii et Stephano Petri clericis chori, Gunsalvo Petri rectore Sancte Eufemie (...) Bartholameo Petri scriptore cantoris.

Et ego Alfonsus Vivi(ani ... au)riensis cancellarius eiusdenque civitatis per reverendum patrem dominum (...) gratia auriensem episcopum deputatus ad notulas domini Bartholomei (...) qui dictam literam divisam per alph(abetum ...).